



Jesus ons Verlosser leef! Ons reik uit oor alle grense.

13 OKTOBER 2019

GEMEENTEBULLETIN

STELLENBERG-GEMEENTE

021 976 4519 (kerkkantoor)

021 975 1044 (jeugkantoor)

021 910 3900 (feesmark)

021 976 8029 (SOS)

www.stellenberg.co.za

navrae@stellenberg.co.za

KONINKRYKSTYD

Ons groei nader aan God en mekaar om 'n verskil in die wêreld te maak.

OGGENDDIENS

Die gelykenis van die grond

Matt. 13:24-30

GESINSDIENS

Waar is my wortels geplant?

Psalms 1

JEUGDIENS

Real Rooting

DEURKOLLEKTE

Klipheuwel crèche. Die crèche in die informele nedersetting van Klipheuwel is saam met Shiloh deur Stellenberg-gemeente ontwikkel en word sedertdien deur die gemeente ondersteun.

EREDIENSTE

			13 Oktober	20 Oktober
09:00	Kerk	Oggenddiens	Ds. Visagie 3	Gesamentlike diens: Ds. Potgieter 1/6
09:00	Kleinsaal	Gesinsdiens	Ds. Potgieter 9	Geen diens -
09:00	Kapel	Meditatief	Ds. Dietman -	Ds. Visagie -
09:00	Tent	Nuwe lidmate	Geen diens -	Ds. Breytenbach -
18:00	Kerk	Jeugdiens	Ds. Ackerman -	Ds. Ackerman
19:00	Kapel	Aanddiens	Ds. Visagie 12	Mike van Deventer 13

GESAMENTLIKE DIENSTE 20, 27 OKT. EN 3 NOV.

Ons nooi lidmate om ons gesamentlike dienste op **20 en 27 Okt. en 3 Nov.** om 09:00 in die kerk by te woon. By dié eredienste kom die hele gemeente, ook lidmate wat gebruiklik die gesinsdiens bywoon, saam in die kerk bymekaar. Die groot samekoms sorg vir 'n besondere atmosfeer. **Kleuter- en peuterkerk** is ter wille van die feesmark vanaf 20 Okt. tot 10 Nov. in die komiteekamer.

TIENDEMAANDINSAMELING 2019

Die vierde kwartaal is sinoniem met die gemeente se jaarlikse tiendemaandinsameling. In dié tyd vra ons lidmate om uit dankbaarheid iets ekstra vir gemeentewerk te gee. Lidmate wat aan die insameling deelneem, deur 'n bydrae te maak, ontvang elkeen in ruil 'n dankie-sêgeskenkie van die gemeente in die vorm van 'n *Haworthia*-plantjie (tarentaaltjie). Bring asseblief op Sondag 27 Oktober jou bewys van betaling, of kontantbydrae saam na die gesamentlike erediens.

JEUGDAGBOEK

- ANNIBRAND JUNIOR: 10:00 na afloop van die eredienste.
- GRAAD 4'S: Verskuif na die kerkgebou om 10:00
- JEUGDIENS: 18:00 tot 18:50.
- ANNIBRAND SENIOR: Na die jeugdiens, 19:00 tot 19:30.
- RELEVANT: Dis vir jong volwassenes. Ons luister 15 min. lank na 'n aanbieding en gesels dan saam oor die onderwerp. Woensdagaande 19:00 in die jeuglokaal.

KOORSANG VIR DIE KERSANGDIENS

Indien jy graag deel wil wees van die koor wat tydens die Kerssangdiens op Sondagoggend 1 Desember Kersliedere gaan sing, kontak asb. vir Karin Barter 021 976 4519/

karin@stellenberg.co.za. Die koor gaan die tweede stem sing en beoog om vooraf drie keer te oefen.

DIE BYBEL VIR VANDAG (BYBELSKOOL)

Hoe lees ons die Bybel, hoe kan ons God se Woord vandag op die uitdagings in ons lewe, kerk en wêreld toepas en hoe verdiep die lees van die Bybel ons geloof? Tydens die Bybelskoolkursus gaan ons die totstandkoming van die Bybel, asook hoe gelowiges deur die eeue heen die Bybel gelees en verstaan het, bestudeer. Ons sal ook stilstaan by wat die Bybel gelowiges leer rakende moeilike kwessies wat die kerk moes hanteer.

Datums: Maandagaande van 28 Okt. tot 25 Nov. om 19:00 tot 20:30 in die kerk.

Aanbieder: Ds. Marius Breytenbach.

Koste: R30 per persoon.

VATVYF-UITSTAPPIE

Jy word uitgenooi om deel te neem aan 'n handwerkaktiwiteit op Woensdag 16 Okt. by CK Ceramics in Bellville. Ons gaan elkeen 'n keramiekitem verf en geniet daarna 'n versnapering saam met tee en koffie. Koste beloop R50 per persoon. Bussies vertrek om 09:00. Inskrywings by Karin 021 976 4519 teen Maandag 14 Oktober om 14:00.

KATEGESE

KLEINGROEPE

Graad 1: Kleinsaal

Graad 2 en 3: Grootzaal

Graad 4, 5 en 6: Kerk

Graad 7: Jeuglokaal

Graad 8: Markplein

Graad 9: Bover trek

Graad 10: Grootzaal

Graad 11: Kleinsaal

PLANTETAFEL

13 Oktober om 10:00

Ondersteun gerus die Kweek-vir-die-Here-span deur 'n plantjie in ruil vir 'n donasie te neem.

BREIGROEP

Ons kom weer op 4 November 09:30 in die KOMITEEKAMER bymekaar.

GEMEENTENUUS PER E-POS & WHATTSAPP

Stuur 'n e-pos na sanel@stellenberg.co.za om die Bulletin, Samari-taan en Stellenberger per e-pos te ontvang, of WhatsApp jou naam en selfoonnommer na Sanèl by 083 611 4720 om die bulletin op jou selfoon te ontvang.

KERSETE VIR KLIPHEUWEL

Ons wil graag 'n Kerse te vir die inwoners van die informele nedersetting in Klipheuwel aanbied. Ons beoog om die ete aan 300 mense te bedien. Indien jy bereid is om te help met die bediening van die ete op Kersdag, 'n donasie wil maak, of met die voorbereiding van die ete behulpsaam kan wees, kontak asb. vir Schalk Burger 079 577 8268/schalk@shiloh.org.za.

FEESMARKDEURE OPEN OP 23 OKT.

Onthou, die feesmark begin op Woensdag 23 Oktober. Die restaurant en mark is gelyklopend oop op Maandae tot Vrydae vanaf 10:00 tot 20:00 en Saterdag vanaf 09:00 tot 18:00. Krediet-, debiet- en Kaapse Verbruikerskaarte word aanvaar. Nooi jou vriende en familie ook na ons lekkerste en grootste feesgeleentheid van die jaar.

LEEF-MEER-WERKSWINKEL VIR VROUE

Dinsdag 22 Oktober om 18:30 tot 22:00, kapel

'n Interaktiewe werkswinkel vir vroue. Bring jou lewenstas en maak dit 'n bietjie ligter – die werkswinkel skep 'n ruimte waar vroue net hulself kan wees en ontslae kan raak van die dinge wat hulle lewenstasse swaar maak. Koste: R40 per persoon.

Besprekings by Anneke sos@stellenberg.co.za/021 976 8029.

'N EREDIENS VIR NUWE LIDMATE

Alle lidmate wat die afgelope jaar nuut by die gemeente ingeskakel het, word uitgenooi om die erediens vir nuwe lidmate op Sondag 20 Okt. om 09:00 in die feesmarktent by te woon. Kontak gerus ook die kerkkantoor indien jy nie elektroniese kommunikasie van die gemeente ontvang nie.

KOSPROJEK

Die kosprojek is een van die gemeente se oudste projekte, maar die voortbestaan van dié projek is in gedrang. Bydraes het geweldig gekrimp en die voorsiening van voedselhulp aan gesinne raak al moeiliker. Plaas asb. bydraes van niebederfbare kos onder die trap in die voorportaal van die kerk, of kontantbydraes kan per EFT na ABSA-tjekrekening 145 058 0011, takkode 632005, Verwysing: KOSPROJEK oorbetal word.

EDELWEISS

BYBELSTUDIE

Geen Bybelstudie op 17 Oktober.

HUISBYEENKOMS

Sondag 20 Oktober om 18:00 uit Rigters 2: Die generasie wat vir God verloor het?

GEBEDSGROEPE

Die volgende gebedsgroepe kom weekliks bymekaar. Skakel gerus in soos dit jou pas.

- Vrouegebedsgroep
Maandagoggende om 09:15 in die kapel.
- Asemskep-gebedsgroep
Dinsdagaande om 18:30 in die kapel.
- Mannegebedsgroep
Donderdagoggende om 06:00 in die kafeteria.

VOSBURG VLEIS

Potjiekosvleis @ R100 per kg is nog te koop. Die vleis kan by Raphaelsingel 45 afgehaal word. Tref asb. die nodige reëlings met Christine Ferreira by 083 440 2086.

SINODE TERUGVOER

Vergadering van die Algemene Sinode 2019 in Benoni:

Die Algemene Sinode het die afgelope week vergader en verskeie belangrike besluite geneem waarvan dié oor seldegeslagverhoudings seker die mees deurslaggewende is, veral ten opsigte van eenheid in die kerk. Die volledige besluite is op Kerkbode se webblad beskikbaar.

1. Ruimte en eenheid: Die besluit wat aanvaar is, bied ruimte vir verskillende standpunte oor selfdegeslagverhoudings. Kerkra-de en gemeentes het die reg ontvang om self te besluit watter standpunt hulle hieroor wil neem. Die besluit bevestig dat die eenheid van die kerk gefundeer is in die eenheid met Christus en die belydenisskrifte. Dié eenheid verbrokkel nie as daar verskille oor die hantering en uitleg van die Bybel is nie.

2. Stellenberg se standpunt en besluite: Die gemeente se besluite oor selfdegeslagverhoudings is dus volkome in lyn met die Algemene Sinode se standpunt dat ruimte vir gemeentes en kerkra-de gelaat word om hul eie besluite oor dié saak te neem.

3. Aanvaar en vier die diversiteit: Die hoop is vanuit die Sinode uitgespreek dat die kerk en gemeentes die strydbyl sal neerlê en liewer verskillende standpunte sal respekteer. Diversi-teit (soos in baie huisgesinne en uitgebreide families voorkom) en verskillende standpunte mag lyk soos 'n verleentheid, maar dit is eerder 'n gawe en moet gevier word.

Lees daaglikse Sinodenuus op www.stellenberg.co.za

GEMEENTENUUS PER E-POS & WHATSAPP

Stuur 'n e-pos na sanel@stellenberg.co.za om die Bulletin, Samari-taan en Stellenberger per e-pos te ontvang, of *WhatsApp* jou naam en selfoonnommer na Sanèl by 083 611 4720 om die bulletin op jou selfoon te ontvang.

EKOLOGIE-KOMPETISIE

Lees gerus al die voorstelle wat ons vanaf lidmate vir die ekologie-kompetisie ontvang het. Die voorstelle is op www.stellenberg.co.za. Die wenner word eersdaags aangewys.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. Daar is kliniese sielkundiges, mediators, spraak- en arbeids-terapeute, asook 'n musiekterapeut beskikbaar.

Afsprake kan tussen 09:00 en 12:00 by 021 976 8029

gemaak word, of skakel die sentrumbestuurder Rudolph van Schoor by 082 854 4530.

STELLENBERG-GEMEENTE

SNAPSCANCODE

